

litterulas tue, dulcissime pater, direxi dignitati; obsecrans, ut per tuam bonam c.789—796 voluntatem renovetur in me, quod per priorum patrum piam dilectionem perdona- batur mihi.

Et ut vere fateor, multum gavisus sum, dum te illorum loco audiui subrogatum; sperans divina donante clementia te illorum tota devotione sequi exempla, quorum regiminis et honoris sedem tenere videris; certissime sciens eorum te gloriae^a coniungi in celis, si illorum vestigia secteris^b in terris.

Memor esto cotidie nobilissimi patris Benedicti, primi fundatoris vestri, et succes- soris eius^c Ceolfredi¹. Et regularem vitam, quam illi optima discretione composuerunt, exercendo, ammonendo toto corde sectare. Sic enim et cum hominibus laudem tibi et honorem acquirere poteris et cum sanctis Dei perpetuam gloriam et beatitudinem^d possidere. Noli^e seculi hominibus in vestimento vel^f ebrietate vel aliis vanitatibus te ipsum ullatenus conformare, sed praenominatis patribus in sobrietate continentia et caritate assimilari omnimodis^g stude. Nec solum te ipsum ad illorum corriges^h exemplum, sed alios quoque diligentissime ammoneasⁱ. Si qua sunt errata, corrigere non cessa; et benefacta hortari satage; ut mercedem habeas ex omnibus; sciens te rationem redditurum pro omnibus. Grandis honor est, quem accepisti; sed grave pondus, quod portas: te solum ex cunctorum tibi subditorum factis^k iudicari. Et idcirco omni instantia contende, ut premium habeas ex illis, non penam. Et ideo ut pastor devotissimus singulorum vitam suspicere et perscrutari^l non cessa; ne^m aliquam ex ovibus tibi commissis insidiantis lupi calliditas laceret aut devoret; sciens: quantum diligesⁿ fidelem pastorem ovium carnalium, tanto^o magis Deus amat fidelem pastorem ovium spiritualium. Et si rationem queris a pastore tuo de ovibus tuis, si aliqua per negligentiam illius deperiit, quomodo non Deus multo magis requireret rationem a te de animabus ovium, quas tuae commisit custodire diligentie^p? Heu frater, heu, quia paene ubique regularis vite in hac terra cadit normula et secularis vitae crescit formula. Et quod pessimum est, ipsi structores multis in locis fiunt destructores, et edificatores dissipatores. Et hoc est, quod^q per prophetam dictum est: 'Ipsi enim Cf. Isai. 56, 11. pastores erraverunt'. Ideo, dilectissime frater, studiosius intende, ut cum bonis pasto- ribus connumerari merearis et audias beatam vocem: 'Euge serve bone et fidelis, Matth. 25, 21. quia super pauca fuisti fidelis, super multa te constituam, intra in gaudium domini Dei tui'.

Obsecro, ne me praesumptiosum^r estimates et vanum, dum te haec omnia melius scientem ammoneo. Caritas me compulit loqui, quae omnia suffert; per quam ut 1. Cor. 13, 7. meam imperitiam sufferas deprecor et ut diligentem te diligas, quia qui in caritate manet, in Deo manet; quia Deus caritas est. 1. Ioh. 4, 16.

Divina clementia ad profectum sancte congregationis, cui deservies^s, incolumem et prosperis successibus florentem in multa tempora te conservare dignetur.

a) gloria A 1*. b) † sequeris superscripsit alia manus A 2; sequeris A 1*. c) sancti add. A 1*. d) beatitudinē A 2. e) Non A 2. f) vel in leg. Pertz. g) omnibus modis A 1*. h) corrigas A 1*. i) diligentissime admones A 2. k) om. A 1*. l) perscrutari A 2. m) neq. A 2. n) quod si tantum diligis pro quantum diliges A 1*. o) quanto A 2. p) diligentie A 2. q) quid A 2. r) corr. in praesumptuosum A 2; praesumptuos. A 1*. s) deservis A 1*.

1) V. ep. 19 supra p. 54 n. 2. 3.